

有因法 演曰二

涅槃此初世道能引出世出世聖道名有因法 論
又出世法至有因法 演曰二引涅槃涅槃有彼出
世聖道能引發因名有因法 論由如是等至有因
諸法 演曰二總結釋理實十因所起之果對能起
因皆有因法今示方隅且舉三因所起果法名有因
法餘非無也 論復次此中至名有果法 演曰二
明有果法文分爲二先釋後結釋中有五一有等流
果二有異熟果三有增上果四有士用果五有離繫

果此前二也 論若有三處至名有果法 演曰三
有增上果文分爲二先釋後結釋中有七第七等中
二種二者謂善不善二中各有反教思三餘可悉也
論若現法中至有果法 演曰四有士用果文具釋
結釋中有二文易可知 論若趣世間至二道差別
演曰五有離繫果文分三分初各別釋次重料揅後
摠結之 論由如是等至若離繫果 演曰後摠結
也 論與 正有果法 演曰二無因果法
反上應知 言二篇生至廣分別 演曰十六緣
起諸法門前已廣明故不重也 論復次略由至事

故

瑜伽義演卷三

演曰十七內法三差別門文分為二一依實立二

教

依假立初文有四一標二徵三列四釋此前三也

論若於是處至名內法 演曰四釋之中文分為五

一辯假名二彰妄執三明增上四明攝受五明事故

此初分二先釋後結釋中并言於是處者內蘊處也

謂於內蘊假立我等名內法處 論若於是處至名

內法 演曰二彰妄執此依多分而計即蘊妄起執

說理實亦計離蘊之法以為我也 論若由此法至

名內法 演曰三明增上由此六根為增上故色等

外處差別而生為所受用說能受者名為內法 論

若能攝受至名內法 演曰四明攝受謂阿賴耶能
攝受彼三性種子悉在識中故名內法 論若五種
清淨至名內法 演曰五明事故根心體事而是內
法故名爲內 論又有假名至名內故 演曰二依
假立立餘法者心所有法及扶根塵無表色等若對
能緣根境分之合名爲外爲由依內而可得故故雖
外處假亦名內 論復次應知至名爲色 演曰十
八名色所攝門文分爲二先色後名色中有二謂釋
及結釋中有二一依增長二明變壞故以二義而立
色名 論其餘四蘊至說之爲名 演曰後辯其名

文分爲二先釋後結釋中有二謂於諸法施設種種
名言勢力爲所依故四蘊尋名緣於所緣有所歸趣
故從所依言說之名能依四蘊故名名也 論復次
略由至法差別 演曰十九執非執受門文分爲二
先明執受後非執受初中有四一標二徵三釋四結
此初標也 論何等爲五至非執受故 演曰二徵
三釋釋中有五一辯色執受二明內執受三任持執
受四變異執受五損益執受此初先明唯色執受揀
心非色而不緣之以所緣心相無用故 論又於色
中至執受故 演曰二明內執受揀外五塵識雖緣

之而不執受外塵不能生覺受故根依屬者內法塵也 論又心心法至非執受故 演曰三任持執受揀扶塵等不能持心故非執受 論又執受色至故名執受 演曰四變異執受文分爲四一標二徵三列四釋此標也 論何等爲四至所緣境故 演曰二徵三列 論謂由外色至喜樂攝受 演曰四釋分四一外色逼惱二內界順違三煩惱所纏四所緣審慮由此四故故內根身領此順違生損益等名爲執受如習定者作水觀時外觸違順定境持緣後出之時方生損益識若不緣彼後損益憑何以生是故

本識依根受已後時意識方起解心故說色根名執
受色由外觸故便變異生餘可知也 論又爲損害
至名變異 演曰五損益執受義思可知 論如是
若色至諸法差別 演曰四摠結釋若如是緣結前
第四今成變異結第五也 論與此相違至執受法
演曰後非執受非執受等如五十三亦具明也 論
復次至名有色法 演曰二十明有色法門文分爲
二辨體相二結止餘初中有二先摠出體後章差
別此初出體謂四大種及所造中十一種色變礙現
生名有色體 論問如四大種至大種所造 演曰

後彰差別有三問答文即爲三初問答中文復爲二
一辯色造因二明作業事初中有二一明造所因二
辯種方所初中又二先問後答此初也 論答至六
種所造 演曰後答意云雖能所造各有自種以所
造色隨能造種故說所造由能造造言根心中有種

珙傳師地論義疏卷第二十八 第五張

敦字子

子者根中有種唯隨轉理心中有種通於隨轉及正理
說正理賴耶正持種故 論隨逐色根至名無方所 演
曰二辯種方所然種體相實無方所隨彼所依明有無
也 論又諸大種至所生大種 演曰二彰作業事文分

三分一明界作業二辯不相離三明業具闕此初復三
謂標列釋釋中有二界者種也作業現也謂現四大
如次而有能持能攝能熟能長之作業也 論又諸大
種至尼等聚 演曰二辯不相離文別有二先標後釋
釋中又二謂法及喻喻復有二是及非也因所成者如
五十四 論又於一向至方能作業 演曰三明業具闕文
分為二先惣料揀後別分別惣中有二一明堅聚二例
水等此初又二彰業用二無業用初中復二一明堅聚
唯有地相二約欲色顯境有無初堅聚中一向堅者乾
土石等名一向堅餘水等中唯有種者於乾聚中唯有

水等濕之種性未起現行故唯種也又唯言聲不論觸者以所造觸離能造無故隨地等彰有及無而不言也論如是至次第亦尔 演曰二例水等唯堅應知故不說也 論內色聚中至融消即流 演曰後別分別文分為二先內後外外具法喻內言具者筋骨名地血名為水熱名為火動名為風欲有情身四必具故所造具有其相易知外聚闕具理亦可悉 論復次至皆是假有 演曰第二問答文分為二一牒論前明二依經問答此初也准此論明澁滑等法但依四大分位假立隨大種者隨四大增立澁滑等如前明也 論

問如世尊言至何密意耶 演曰二依經問答文分為
二先問後答此初問云准前論明澁等是假離能造無
若准其理有體之法可須造之無法體無不可言造世

瑜伽師地論義演卷第二十八 第六張

敦字号

尊何意澁等無法乃置造言根等有法而不言造故先
舉論後牒於經對為問也 論答至大種所造 演曰
後答文四一標二列三釋四會釋中有二一自類假法
二異類實法假實雖異皆因大生並名所造能所俱
觸名為自類能所處異名為異類經依自類故不說
餘非餘根塵不名所造 論問世尊說有至大種所

造 演曰第三問答文分為二先問後答此先問云法
處定色何處大種而造起耶 論答至大種所造 演
曰後答意云定心所起影像定色隨彼所思何界之
中本質大種而能造也問如前論說定自在色隨何定
心即彼定地四大所造又五十四云此影像色從定心起
非四大造今此復云隨彼所緣本質之色四大種造各
有何意致斯不同答古有釋云非大種造是盡理言定
所生色從心所起非對礙法故非大造今言從彼所緣
本質大種造者約遠緣說由觀彼質影像生故前說
自地大造造者從近緣說當地四大與影像色同時同

處故義說造理實不造有義定色雖非從彼業色大
造然從定色大種所生名定大造如變為魚魚身豈無
堅濕煖等故五十四云由彼定故生起大種然後造色
變異而生雖五十四前後文云影像之色從定心起非
大造者謂說假色假想變生云非所造非不從於近遠
四大為緣造起故諸定色皆從大造以為正說論於此
大種至不復現 演曰二結止餘 論復次云何有法
演曰二十一有法差別門文分為二先問後答此先問
也 論謂一切至說名有法 演曰後答答中文分三分
初惣出體次別徵釋後指廣文此初也一切世法三有

所攝名為有法 論問阿羅漢等至名無漏 演曰次

瑜伽師地論義演卷第八

第七張

敦字号

別徵釋有二問答此初復二先問後答此初也 論答
至說名無漏 演曰後答可知 論問至此何密意

演曰第二問答文二准前此先問云前論所言一切世
法說名有法有法即是有漏法也云何世尊但說意
法及意識三名為有法餘不言之有何意趣 論答至
說如是言 演曰後答意云因中意識意法等三有是應
斷有不應斷不應斷者是出世法應斷之者是世間法
為揀不斷故但說三名為有漏眼等五識根境等三因

位唯漏非通不斷故不言之非彼根心不名有漏論此
中世尊至應知處演日後指廣文此不言也論復次
云何有上法演日二十二有無上法門文分為二先明有
上後明無上初中有二先徵後釋此初也論謂除涅槃
餘一切法演日後釋之云有為法外更有無為勝上之
法名有上法論由五因緣至無上法演日後明無上
文中有一標二徵三釋四結謂此涅槃具五因緣體妙
殊勝更無過上名無上法論復次云何應修法演日
二十三修習有為門文分為二先徵後釋此初也論
謂一切善有為法演日後釋分二初惣出體後彰差

別此初出體有漏無漏有為善法有所進修可名修
法無為不介故以揀之 論此中應知至對治修 演
日後彰差別文分為二別辯四修二攝之為二初中
有二先惣標列後別解之此初也 論此中未生至名
得修 演日後別解中文分為四一辯得修二辯習修
三除去修四對治修此得修也為得故修名曰得修
謂由修力得所未得諸善法故 論已生善至名習
修 演曰二辯習修習者慣也習即是修名曰習修
由此數習數修力故已生善法令得堅住不忘倍增名

習修也 論已生不善至除去修 演曰三除去修為除
故修名除去修由此修力除去現行諸不善故論未
生不善至對治修 演曰四對治修文分為二初惣後
別此初也師子覺云修習對治名對治修對治未來
諸不善法令不生起名對治也 論當知此中至對治
修 演曰後別之中文分為四一狀對治二斷對治三
持對治四遠對治此初狀患對治修者即七作意中
了相勝解名狀對治謂觀蘊身有漏過患如瘡癰等
不生染著名對治也 論從遠離作意至斷對治修
演曰二斷對治即以遠離攝樂觀察方便究竟四種作

意名斷對治謂即方便及無間道能斷惑故名斷對
治論方便究竟至持對治修 演曰三持對治以彼
第七為持對治謂解脫道住持斷得名持對治 論從
此已上至遠分對治修 演曰四遠對治即以後之勝
上地中七種作意望於前品所斷染法為遠對治謂
後諸道令先所斷煩惱轉遠所以名為遠分治也
論此四種修至思惟修 演曰二攝之為二文復分二先
惣標列後別釋之此初也 論此中修身至受持修
演曰後別釋中文分為二先明防護後辯思惟此初
也修身淨行名防護修防護根門令過不起即前習

修除去修也修戒謂即別脫律儀要從他受方自修
治名受持修體即前三一分修也 論若靜慮地至為
修慧 演曰後辯思惟謂即定慧相應作意名作意
思惟修 論復次云何過去法 演曰二十四三世法性
門文分三段初明過去次辯未來後彰現在初中有
二先徵後辯此初也 論謂因已受盡自性已滅 演
曰後辯文二初明體別後明事別初中又二先釋後結
釋中又二一辯法無二明憶念初中有三一因二果三辯
為緣此前二也自性果也因果俱盡名為過去 論無聞

為緣為生餘法 演曰三辯為緣文分為二初近後遠
近中又二先辯後遮此初也為生餘法故名過去若不
過去後法不生後得生者謂由過去法體已無彼方
生故故說為緣為生餘法 論除阿羅漢最後心法
演曰後遮後心非為後緣故揀之也 論熏習相續至
異熟當熟 演曰後辯遠緣名為過去過去現行雖
久已滅種能招果故說為緣 論如所領受至諸作
用 演曰二明憶念以辯差別謂有一類得宿命智
憶知本事名為過去或有一類不生宿智而不能知然
滅所顯無有作用亦名過去 論是名過去諸法差別

演曰後結可知 論此過去法至所有盡滅 演曰二明
事別文分三段謂標徵釋釋中有五一刹那過去約刹
那說二死沒過去約一期說三壞劫過去約壞劫說成
住等時未有滅壞不名過去四退失過去如習定者
先得後失名為過去五盡滅過去有餘依中惑業盡
滅無餘界中身智盡滅以盡滅故名為過去 論復次
云何未來法 演曰二辯未來文今為二先問後答此
初也 論謂因未受至遠當生 演曰後答文二一明
體別二明事別此初分三一因未受未受果也百性未
受果體未生未酬因也三待緣生待緣生中而有惣別

別有近遠 論亦由五相至得未來 演曰二明事別又分
為二先標後列列中有五初二可知三成劫者未來
成劫現雖未至當可成故名曰未來四應現行五
應得法亦准此知 論復次云何現在法 演曰三明現
在文亦分二先徵後釋此初也 論謂因已受用至清

瑜伽師地論義演卷第二十 第十張

敦字號

淨所顯 演曰後釋分二一明體別二明事別初者
六一因用未盡二果用未盡三剎那即滅四決定壞
滅五雜染所顯六分淨所顯謂除無為無為非是
世所攝故 論亦由五相至心法等 演曰二明事別文

中有三謂標列釋 論復次云何至欲界繫法 演曰
二十五三界繫別門文分三段初明欲界次明色界後
無色界欲界文三謂徵釋結心不在定彰是散地若
得定時即非欲故生得等者異熟之心說為生得善
惡之意名為作意三世等法名已行等生及作意三世
法轉皆名欲界 論復次云何至色界繫法 演曰
次明色界文亦分三謂徵釋結釋中有二一明色定二
明生色此初也謂在欲界所得上定及定所起色界之
法皆色界繫問身在欲界亦得起上天眼耳通何故
但云意地諸法答二通必由定意所引意所引故亦名

意地法由作意者顯起上地加行善心揀生得也

論或生色界至色界繫法 演曰二明生色所起之法

皆色所繫而言生得或作意者具起當地業報非報

二種心也 論如色界繫至當知亦尔 演曰後明無色

唯色應知 論復次云何善法 演曰二十六三性法體

門文分為二彰三體別二辯三相異初中有三明善

性二明不善三明無記善中復二先徵後釋此初也

論謂若略說至名為安隱 演曰後釋分四標列徵釋

文顯可知 論與此相違至不安隱 演曰二明不善

返善應悉 論無記諸法至非不安隱 演曰三明無

記返前二性所有二因即是此性二因之義對法等
別應會異同 論又由五相至利他善行 演曰二辯三
相異文分為二先明善惡後明無記初中有二明相

瑜伽師地論義演卷第二十八

第士張

敦字另

異二明強盛初中又二一明善性二明不善善中復二
先標後釋釋中有五尋之可知 論又由五相至所顯
故 演曰二明不善齏善知也 論由五因緣至善法強
盛 演曰二明強盛文分為二初明善性後明不善善
中有四一標二徵三列四釋釋中有五一明加行二明
宿習三攝勝德四田事處五明自性自性之中施戒

修三可有勝劣如文可悉 論與此相違至不善強
盛 演曰後明不善強盛五因對前善性翻顯應悉
論又由五相至色處聲處 演曰後明無記文分為四
標二徵三列四釋釋中隨難偏明第五即顯長養
五根非情五塵扶根五塵並是自性無記所攝色聲二
處通善惡性所以除之 論復次云何學法 演曰二
十七三學法利門文分三分初明有學次明無學後
明非二初中有二先徵後辯此初也 論謂或預流至
慧學故 演曰後辯分三謂標徵釋此中據勝及果
而說不云四向及資糧加行二人理實彼等所有進修

皆名學法對法第四而即取之 論云何無學至名
無學法 演曰次明無學文具徵釋世出世善進修
滿足名為無學 論云何非學至非無學法 演曰
後明非二謂異生中所有三性無前二相故曰俱非
論復次云何見道所斷法 演曰二十八三斷分別門
文分三分初明見斷次明修斷後明非斷見斷又二
先徵後釋此初也 論謂薩迦耶至所斷法 演曰後
釋之中分別所起十種煩惱及隨惑中分別起者皆
見所斷故言等也招惡趣業及彼所招難處之報并
女人身第八有等皆見所斷故量等言彼果等法由

因斷故亦得斷名非自性斷身邊二見斷通見修今

瑜伽師地論義演卷第二

第十二張

敦字號

且明於見道斷者故云五見非全惣取說為見斷
論云何修道至所斷法 演曰次明修斷通其三性善
法無記名為斷者據離縛說其染法中除先所斷
分別染外餘之俱生六種染法名修所斷 論云何非
所斷至非所斷 演曰後明非斷此三斷義唯識第
六亦具明之應對同異 論復次云何甚深難見法 演
曰二十九甚深難見門文分為二先問後釋此初也
論謂一切法至甚深難見 演曰後釋分四一標二徵

三釋四結甚深法二一第一甚深謂真如也二諸法
自性謂一切法此二言詮皆莫能追故曰甚深然依
名言方乃舉了若不然者曷能了知法體差別起
修斷哉 論如是所說至思惟揀擇 演曰二牒結
勸思 論如是諸法至更不復現 演曰大文第二惣
結止餘

論卷第六十七 攝決擇分中修所成慧地 論
如是已說至我今當說 演曰通行之中文分三分謂
聞思修聞思已明次彰修慧文分為二初結前生後
後依生正釋此初也 論當知略有至所成法修 演曰

後依生正釋文分為二一別明修體二惣結止餘初中
有三標列及釋此初二也 論云何聲聞至作意修
演曰後釋依標文分十六一聲聞修文復分三二徵二
釋三惣結之此初徵也 論謂如有一至聲聞法性
演曰二釋之中文分為五一彰種姓二明趣入三明住
行四明緣境五明修意此初舉人以彰法性 論或
未證入至正性離生 演曰二明趣入謂發趣心前後
不同根性復異故於正性有證未證二不同也 論不
觀他利至利益事 演曰三明住行 論由安立諦至

法為境 演曰四明緣境緣安立諦作意門者顯加
行位以觀安立四諦作意為方便門趣入實際內觀
如者此明緣真根本智位親以真如為所觀境緣有量
等而明緣俗後得智位緣有作四聖諦境故名有量
有量之法是分別心帶相而緣分別之法名分別法
論為盡貪愛至修習作意 演曰五明修意 論是名
聲聞至作意修 演曰三惣結之 論云何大乘相應作
意修 演曰二辯大乘文分三分一徵二釋三惣結之此
初徵也 論謂如有一至利益事 演曰二釋之中文分
為五一明種姓二彰趣入三彰住行四明觀境五彰修

意此前三也 論由安立諦至法為境 演曰四明觀境加行根本後得三智所觀別也於初智中安非安者別觀四諦名為安立觀二空理名非安立正智可知後得通知真俗二境名緣無量離能所取号無分別 論大悲增上至修習作意 演曰五彰修意意為自他二種修故文具標釋尋之可知 論是名大乘相應作意修 演曰三惣結之 論云何影像修至影像修 演曰三影像修文分三分謂徵釋結釋中有二先觀後止慧性推求故云分別觀相應定名三摩地所觀本質名所知事正觀作意所思影像是彼質類名為

同分止性證淨名無分別餘義同觀故顯揚云所行
本境法同分也故所知事為質明矣論云何事邊際
至邊際修 演曰四邊際修文分為二先徵後釋釋中
有二初修有為物惣有五句後修無為但思真如次盡所
有攝諸有為如所有者攝諸無為有無皆盡名為邊
際變影緣如亦名事也 論云何所作至成辦修 演
曰五成辦修靜慮等法是所修作修作未滿不名成
辦已入根本故得辦名 論云何得修至名得修 演
曰六辯得修文具徵釋釋中分三二示所修二明修相

三惣結釋初中有二先約想明後兼餘德餘德無常
等想而有十種如本地分第二十明言自下地顯不修
上此據多分初修者說理實有下而亦修上故唯識云
前三無色有勝見道傍修得故言彼引等顯兼餘德
非唯前想亦因想等所引苦空無我等法皆令清淨
當生定地及能獲得自在成就名曰得修論云何習
修至名習修演曰七辯習修習謂倣習習即是修數
習前法名曰習修論云何除去至自性諸相演曰八
除去修文分為二先徵後釋釋中有三初法次喻後
惣結之喻中有二一想除顛倒喻二細除塵重喻此

初也定中影像諸相作意名為如楔是能出也自性
諸相是本質境猶如出楔是所出也影像相者謂作
無常不淨等相本質相者計身常樂我淨等相由觀
無常故除常倒假想不淨能除淨倒以能所除俱有
相故故喻於楔能所體同 論又如有一至除去修 演
曰二細除麤重喻身有輕安名輕安身身有麤重名麤重
身以細除麤故同楔也 論云何對治修 演曰九對治修
文分為二先徵後釋此初也 論謂於厭患至對治修
演曰後釋分二先列後釋此初列名而有四也 論此
中厭患至所引作意 演曰後釋之中有二復次此

初分四一明厭患二斷對治三持對治四遠對治此初
厭患謂世善道厭世過非名為厭患神通等行無記
無厭故以除之 論斷對治者至境作意 演曰二斷
對治斷惑之心必緣如故故舉緣如彰斷作意 論
持對治者至解脫道 演曰三持對治謂緣如後所有

瑜伽師地論義演卷第二十六 第十五張

敦字号

後得及世出世無間道後所有解脫皆持對治咸能
持彼所斷德故 論遠分對治至上地之道 演曰四遠
對治由多修習有深防力令先所斷勢漸轉遠名遠
分對治 論復有差別至遠分對治 演曰第二復次

文分為二先標後釋釋中有四初二對治如次加行及根本也第三持中轉依果者所證理也理是解脫智之所持名持對治第四遠分後得智也論云何少分修至少分修演曰十少分修十想等中隨修於一名為少分論云何遍行至遍行修演曰十一遍行修所觀真境遍於一切能觀作意名遍行修論云何動轉至動轉修演曰十二動轉修謂於無相修方便時被諸有相之所動轉名動轉修論云何有加行至加行修演曰十三加行修無相修時未能任運加功而作名加行修論云何成辦至成辦修

演曰十四成辦修涅槃菩提轉依已滿神通等至出入自由名為成辦 論云何非修至成法修 演曰十五非修修謂散地諸善非由定成名非修成 論云何修所成至成法修 演曰十六修所成修所修之法因定而得名修所修 論於此地中至不復現 演曰二惣結止餘然此修義名字體性數之增減諸門差別如莊嚴論第十卷中顯揚十六對法第九及此論中前三十四雖各明之今此義窮故不重現 攝史擇分中聲聞地 論如是已說至我今當說 演曰第二決擇瑜伽行中分之為二一明通行前已彰訖次明

別行文分為三初辯聲聞次明獨覺後彰菩薩初中有三結前生後二依生正釋三惣結止餘此初也論如本地分至般涅槃法 演曰二依生正釋門分為

瑜伽師地論義演卷第二十八 第十六張 敦字號

四一彰性有無門二辯戒差別門三所知法異門四善等類別門初性門中子門分七一辯無種姓門二辯有種姓門三具戒生福門四往他家法門五三處了知門六所知名事門七辯緣四諦門初門分二先牒標舉後釋外疑此初也 論此中或有至涅槃法耶 演曰後釋疑中文分為五一釋無畢竟二辯無根難三彰

轉有姓四界具有無五辯生後姓初中有二先難後破
此初外人聞無疑起難 論應誨彼言至不應道理

演曰後破之中文分為二先徵後破破中又二一有性相
違破二無性違經破理思可知 論如是誨已至無根有
情 演曰二辯無根難文分為二先難後破難中有二
初結前文後生正難難中有二先順後返其順難云雖
無無根而有情界得言種種雖無無姓有情之界何非
種種返難意云為成界異立無種姓應成界異立無
根情 論應詰彼言至不應道理 演曰後破之中文分
為二先徵後破破中有二一非情相例失二違宗所立失

所立失中若無根物非有情者難令立有無根有情
違自所許又我立情界有種種何得汝以無情為難
乖所立失論如是詰已至般涅槃法耶演曰三彰轉有
姓文分為二先難後破此先舉外類姓轉成難論應
詰彼言至不應道理 演曰後破之中文分為二喻
非相似失凡舉喻者與法類同今則不然故成非理
二無因非轉失若唯獨一無餘界者無因果生不應
道理設許尔者沙應出油角應有乳故成非理論如
是詰已至法界耶 演曰四界具有無文分為二先難
後破此初難云既齊有情應皆具界界若具者何不

許有涅槃界耶 論應詰彼言至不應道理 演曰後

瑜伽師地論義演卷第二十八

第十七張

敦字号

破之中文分為二三界相違破有無二界既牙相違
如何得言無姓之中許有有姓牙相違故猶如苦樂性
非相有二無非有性破若言三界牙不違者許無姓中
立其有姓亦為不可是相違故違自之失 論如是詰
已至種姓耶 演曰五辯生後姓之分為二先難後破
此初舉喻難無令有 論應詰彼言至定種姓耶
演曰後破文二二理無轉有破二縱轉無成破初中有二
先徵後破此雙徵也 論若言尔者至不應道理 演

日後破文二二若言尔下無果定義失汝若復言先有三
乘姓後無三姓者順解脫分善根應當無果以無性故
猶如兕角又若尔者不可言定先有後無不名定故二
若不尔下法喻例同失 論又應責彼至後生耶 演
曰二縱轉無成破文分為二先縱後破此先縱許而膝
定也 論若言即於至不應道理 演曰後破之中文
分為二現轉不成破二後轉亦非破初破文三膝徵
及破破中有二脫分無姓失何有現生能起脫分名
無姓耶二非劣轉勝失現不能起順脫善根如何能
起般涅槃耶 論若言後生至不應道理 演曰二後

轉亦非破文亦分三謂牒徵破破中有二一先集後成
失若此生中已集善根應即此生成涅槃法何待後
生而方轉耶又後生善而應無有涅槃法果是善
根故如此生善二不集例成先若也此生先未集善此
生所以未轉成者後生亦然後生何因而許轉耶彼
此異因不可得故故為不可 論復次略有至眼聲聞
演曰二辯有種姓門文分為二一明類異二明證別初
又有四標二徵三列四釋此前三也 論若有安住至
生聲聞 演曰四釋如標文分為十十中合分為三初

明前四次明第五後明後五此前四也遇佛發心名為
入法染淨可知論末法時生至皆悉成就演曰次
明第五末法聲聞分之為二牒名徵起二依徵正釋
釋中有三一明惡行二辯末時三彰惡果初中有二
先彰後結初有十八句一愛重利養二違背妙法三三
毒增盛四慳嫉等具五諂詐現前六為命出家七有
動無靜八迷亂性闇九諸惑現行十憂苦無厭十一
樂誼棄靜十二不修三學十三捨真樂俗十四謗正法
人十五犯淨尸羅無餘等者四他勝處名曰無餘由犯
根本枝等亦亡無餘僧用名無餘也十三僧殘名曰

有餘有出罪法容有僧用名有餘也十六結託闍訟
十七染心度人十八為利敬蔑處家慳等具誠實論
絢者字林云文盛也藻者水中之草有文者也 論
法末時者至生那落迦 演曰二辯末時三彰惡果
論若有成就至清淨眼 演曰後明後五初賢善中息
肉未生者如來出世十二年前未有犯戒名息肉未生
犯戒之人類同息肉餘文可悉 論復次或有至不能
證 演曰二明證別文中有二先明根劣現未能證後
彰放逸亦不證知 論復次當釋至生無量福 演曰
三具戒生福門文分三分謂標徵釋此初標也 論

何等為四至第四法 演曰二徵三釋釋中有四一具
戒律儀二少欲生足三不擾同行四不求他知 論復
次若有至隨煩惱 演曰四往他家法門又分為四一
標二徵三列四釋此初三也 論此中聲聞至倍令增
長 演曰四釋分二先釋斷除後彰勝利初中有三
斷初隨惑二斷次隨惑三斷後隨惑此初文二先標
後釋釋中分六時時往等為第一相於可愛等為第二
相不以凶等為第三相善自守等為第四相又隨順
等為第五相猶如山岳為第六相不應受等與不應

觸義類相似故合為一非信信家皆所化處亦合為一
而言隨順遠離等者遠離謂即出世心也隨順等者
如次聞思及修慧也 論又由六相至不毀咎 演曰二
斷次隨惑文亦分二先標後釋釋中有六一情無染著
二利無染著三無利不苦四不敬不苦五自他利等六
利無讚毀 論又由六相至故宣說 演曰三斷後隨惑
亦具標釋釋中亦六一不希他信二了知出離三起三
意樂四令脫苦難五妙達法性六諷誦真文引發等
三體雖各別意樂是同故合為一 論當知初隨至為
究竟 演曰後彰勝利 論復次當釋至清淨故演

日五三處了知門文分為二初惣標列後別解釋此初
標列有三種也 論云何雜染至清淨所依 演曰後
別釋中文分為二別明二處二重明二法初中有三
一辯所依二明雜染三彰清淨此初復二先徵後釋
言此身者染淨二法所依身也有色身中惑種未滅
名為塵重愚夫即是趣於無明及雜染者諸有學者
名趣於明及清淨也清淨明者即無染也謂此色身
通與二人為所依止故名雜染清淨所依 論云何雜染
至自體令生 演曰二明雜染能依愚夫由愚造業名
為雜染由此雜染淨不淨業為因緣故如次能感受

非愛果及惱非惱善惡報生名自體起 論云何清淨
至得離繫 演曰三彰清淨能依法中文分為二先徵
後釋釋中有二先標後釋釋中又二一學證真智為
證如故二學斷惑智為斷惑故由此二能故於淨中
最為殊勝餘智兼俗故不明之 論復次即此至煩惱

瑜伽師地論義演卷第二十八

第二十張

敦子号

斷 演曰二重明二法文復分二先辯第三後明第一初
中有二辯淨因二明淨果初中分四一標二徵三列四
釋此前三也 論此中如來至對治故 演曰四釋之中
文分為五一正說者二正行者三明正行四心所治五

慧所治此前三中由能斷惑名無上治 論略有五
法至分別貪愛 演曰四心所治文分為二先標後列列
中有五前四可知五順捨等分別貪也於所學中捨而
不習貪能隨順名順貪愛 論略由三法至所有我慢
演曰五慧所治文分為二先標後釋釋中分三三不了
法愚二諦中疑網三修道我慢 論由於如是至極清
淨 演曰二明淨果 論復次於此至過患故 演曰後
明第一染淨所依文分為二初惣標列後依標釋此初
標列而有三也 論由自性者至不同分相 演曰後依
標釋文亦分三二明自性二辯因緣三明過患初中有二

先標後釋釋中分三由有色者明第一相有情皆有
色有色之身故名共相由廉重者明第二相惑種勝劣
無堪任等有情各異名為自相由不淨等明第三相
雖彼人天皆有色身淨穢有異名不同分 論由因緣
者至之所長養 演曰二辯因緣文中有一先標後釋
釋中有三一共相因緣二令生因緣三令住因緣初共
因者凡有色身皆有四大故名為共生住各別屬已
所因故名為自 論由過患者至名為磨滅 演曰
三明過患文分為二初牒標列後依標釋釋中逆次
先明苦性後辯無常燥者說文云乾也 論復次因思

至故還滅 演曰六所知名事門文分為二先牒經問
後廣辯釋釋中文二先辯後證辯中復二先略後廣此
義同前六十五中思慧地文疏已明訖故不重釋問論

瑜伽師地論義演卷二十八

第二十五

敷字號

有何意前後重明答前文為明所緣義故名等亦是
所緣中攝所以敘釋此辯聲聞所知學法名等亦是
所知等法故再敘之無重言失 論復次有四至如前已
說 演曰七辯緣四諦門文分為二二惣標指處二依
標再釋此初也 論問若真實至非苦因 演曰二依
標再釋文分為五一辯知四諦二彰起勤因三明斷作

證四彰諂過患五明庶語失初辯諦中文分三段一辯
惣名二別明四三惣分別初中有二先徵後釋此初徵
也論答至是苦因故演日後釋分三標徵釋也謂
邪見等非真計真說為顛倒知是真邪名不顛倒所
以如次苦性苦因苦集諦攝論復次由二至滅壞義
演曰二別明四諦文即為四一苦二集三滅四道苦中
分三一彰苦四理二明理相即三問答料揀初復分三
一理二教三明通達理中分四一顯無常二明苦義三彰空
義四無我義初中有三標列及釋釋中有二非有義
謂遍計性性常無故名曰無常二滅壞義諸行遷謝

名曰無常大乘理中具二無常小唯後一論由二種相
至相轉義 演曰二明苦義文分為二先標後釋釋
中有二初相行苦所計我法無名非有妄執所熏名
執習等此習處重在本識中而令諸行無有堪任名
行苦相次相八苦義思可知 論由二種相至遠離相義
演曰三彰空義文分為二先標後釋釋中有二謂補特
等遠離我法如次名為人法空義 論由二種相至無
我相義 演曰四無我義文分為二先標後釋釋中有
二小乘無人大乘兼法寬狹不同故別標舉問空及
無我皆言自性二何別耶 答遠離我性說之為空無

有主宰目為無我 論復有二教至無始教 演曰二明

瑜伽師地論義演卷第二十八 第二十二張

數字子

諦教文中有二先標後釋釋中有二一無常教說苦
諦中新熏因果前滅後生名無常教說本苦諦法余
因果名無始教 論又有二種至界通達 演曰三明通達
悟苦理事名達有為悟苦真如名達無為 論復次由五
至所緣事故 演曰二明理相即文分為二二明即苦二
即無我此先明由五種因緣無常即苦一明攝受嚴重
是苦無常既為嚴重所攝故即是苦二法性者無常
即以生等苦法而成其性所以即苦三隨逐者無常

諸行被苦所隨不能捨離所以名苦四由因等有漏蘊
等無常名行增長因者即是其苦行因苦增名為即
苦五執著等苦諦無常妄為常樂所以無常即為苦
攝論復次由五至相依故 演曰二即無我亦有五因
一離苦等無我既離苦行叵得明知諸苦體即無我二
彼苦等彼苦諸行必依衆緣衆緣即是無我行也三
無作等彼苦諸行無實作用即無我義四剎那等剎
那生者即無我也我謂常故五展轉等苦法展轉相
依而住不能獨立不獨立者即無我也 論問若苦
諦至苦諦攝耶 演曰三問答料揀文別有六二明

苦諦攝違害等文分為二先問後答此初也論答
至所攝諸行演曰後答意云於三苦中唯彼苦苦
名不變等餘二苦非故順後答論問如佛世尊至行
苦性演曰二明八苦三苦所攝文分為二先問後答此
初也論答至顯行苦性演曰後答可知論問若
無常至無常耶演曰三明無常是苦苦非苦文亦分二
此先問也論答至行苦所攝演曰後答分三標
徵及釋釋中但辯無常非苦以諸道諦非三苦故

論問若無常苦至無常非苦演曰四辯無常與空

異同文分為二先問後答答中有二先標後釋苦集
具四諸無常苦皆空無我道諦除苦但有二種滅但
有二所以無我非無常苦 論問若無常苦至苦所揉
故 演曰五辯無常與苦一異文分為二先問後答答中
有二先標後釋釋中又二明壞苦無常故苦二明苦
行自性故苦何以然者損惱性故苦所揉故如次釋
後二苦因也 論問若是苦諦至苦諦耶 演曰六明
苦集兩法異同文分為二先問後答此先問也 論
答至苦諦所攝 演曰後答文二先標後釋業及煩惱
惱是集皆苦以皆具有逼惱性故或有是苦而非是

集於中有二一無學身善無記法先業招故果名為
苦非感後因不名為集二異生身中三受俱行無記果
法皆名為苦體非善惡不名為集 論問若厭患至
集諦所攝 演曰二明集諦文分為二一明分限二
彰勝劣初中有二先問後答此初問云無始招感可
名為集而今資糧加行位中厭患發趣引出世間何
得名集 論答至集諦所攝 演曰後答意云雖彼二
位世道自性厭背後有然能隨順後有三行修諸福
業故亦集攝未名非集問五十一云二位是道而非集
攝復云何通答前據出世道諦資糧道攝非集此

據有漏順後有心故為集攝 論問若一切至唯施

設愛 演曰二彰勝劣文分為二先問後答此初也

論答至無義利故 演曰後答分二先標後釋此先

標舉由有四義故唯說愛能起取者顯潤生愛能發

業者是業發愛遍諸事等如下自釋 論遍諸事者至

當知亦尔 演曰後釋分二一明遍事二明無義初二易

瑜伽師地論義演卷二十八

第千四百

教字五

故略不辯之先明遍事文復分二先釋後結釋中有四

一彰遍緣事二明受異同三明欲患法四明愛種類後

三雖事初得惣名初遍事中文復分三一釋遍事名

二明愛行相三四句分別此初也謂現愛體亦名後有
喜貪等三遍緣諸境故得遍名 論順後有愛至諸
所有愛 演曰二明愛行相文分為三初明後有次辯
喜貪後彰彼彼獨愛是惣故不明之初後有中復分為
二緣後有者希求後身發業愛也二是後因通潤生
愛次喜貪愛謂於現在已得境中生喜愛也 論問若
是愛者至是第四句 演曰三四句分別有四問答此初
文二先問後答答中有四初句是愛非後三者問求上
解脫而非染心何名為愛答傳三藏釋實善法欲與愛
名說二句喜等不名愛者謂與喜等俱時愛想思及癡

等從彼喜等得喜等名然體非貪不名為愛即此三愛
是第三句者即此後有喜貪彼彼亦是愛也第四句者
有非後有亦非是愛謂於現在緣善心等 論問若
順後有至不和合愛 演曰第二問答以寬問狹故順
後答喜俱行愛能招後報故亦順後憂俱等愛雖希
後有憂喜不並非喜貪俱 論問若順後有至俱行愛
演曰第三問答答中有二初句可悉第二句者謂於未
得自內身起喜樂愛者謂於已得外境而起即此喜
愛亦名後愛由斯境異故有後愛非彼彼愛言謂緣下
示後有愛非是彼彼愛之體也 論問若喜貪至第四句

演曰第四問答初唯喜貪而非彼彼二唯彼彼而非喜貪
由未決定故無喜俱三俱句者緣此未來名彼彼由決
定故復有喜俱喜緣未來理無違故 論問若成就至
繫受耶 演曰二明受異同文分為二二欲色對明二例

瑜伽師地論義演卷第二十八 第二十五張

般若

餘分別初中有二先問後答此初問也愛依受生故因
辯也 論答至及滅盡定 演曰後答之中句分為四
細尋可知 論如欲界繫至皆作四句 演曰二例餘分
別有五四句思之可知 論問諸妙欲至是士夫欲
演曰三明欲患法文分為二先問後答答中四句依人

辯釋如理應知 論復次此愛至處差別故 演曰四
明愛種類類別分三二愛用種類二界別種類三有無
種類初中有二名有愛謂於現身起獨愛也二愛用
者文中有二先標後釋釋中有二謂於已得及未得
中如次喜貪及彼彼也 論又即此愛至知亦尔 演曰二
界別種類分之為三標列及釋釋中有三欲界色界
及無色界如次應知 論即此後有至及無有愛 演曰
三有無種類唯依後有立有無者謂計後內身有無
於愛現已得之身不可生有無愛故於未來未知境
中生有無愛 論是故此愛名遍諸事 演曰二惣結

前皆名遍事 論云何此愛至諸憂苦 演曰二明無
義文分為二先徵後釋釋中義別文分十五二次第
尋之可知

論卷第六十八 論問諸行寂滅至行寂滅耶 演
曰三明滅諦文分為二問答分別二彰其正說問答有
三初中有二先問後答此初也 論答至諸行寂滅
演曰後答之云諸行寂滅通擇非擇及無常滅滅諦
但是擇滅所收而非無常及非擇滅故諸行滅有非
滅諦 論問何等法滅故名滅諦耶 演曰二問答中文
分為二初問後答此初問也 論答至無餘依滅諦

瑜伽師地論義演卷第二十八

第二十六張

數字五

演曰後答文二初惣標列後別明之言依滅者苦依身也問得擇滅者由斷縛法智證名得苦依非縛依滅智云云何得滅答得有餘時無餘同得理無二故苦依盡時無餘理顯故云後得實先已得論問若此滅諦至般涅槃耶演曰三問答中文分為二初問後答此初問云若此滅諦先未斷惑滅相未生後斷惑時方始言有何得是常設是常者一切有情何不皆證論答至非生所顯演曰後答之云不流轉相是滅諦相云何汝難先無後有有是流轉故又無生滅雖體是常

然由有情斷惑所顯故有證者及未證者非皆證之亦
非後時生所顯也 論復次若有至損減過失 演曰二彰
其正說文分為四一標二徵三列四釋此初三也 論若言
諸行至增益過失 演曰四釋如標亦分為四一辯增益
過諸行盡處即名為滅不可說行與滅體異若執其滅
異行實有故成增過 論言無異者至分別過失 演曰
二邪分別過行是有為為滅是無為二種自相由來各異
今言不異名邪分別 論言亦有異至雜亂過失 演曰
三相雜亂過有異無異法應成雜若許尔者即應一法
亦苦亦樂 論言非有異至損減過失 演曰四法損

減過異不異法皆惣撥無故成損減能離四者即成正
說 論問若唯一切至而為道諦 演曰四明道諦文
分為二一正明諦相二辯餘道攝初文有三一辯說八
支二彰斷煩惱三明無相行初文分二一辯聖八支二
明見差別初中有二先徵後釋此初也五取蘊者無漏
五蘊也 論答至而起修學 演曰後釋分二初約學
明後依蘊說此初也實無漏蘊皆是道諦由八道支
三學所攝故偏明也三學攝八即下三蘊攝支是也
論又此八聖至名道諦 演曰後依蘊說文分為二初惣
略明後別徵釋此略明也 論問何因緣故至說為戒

蘊 演曰後別徵釋文分三分初明戒蘊次明慧蘊
後明定蘊初中有二先問後答此先牒經而起問也
論答至受用財故 演曰後答之中文分為二正答所
徵二引異名證初中有二先惣標列後依標釋此初
也 論謂正語至受用法 演曰後依標釋文分為二
一明受法二釋受財初中有二先釋後結謂正語業受
用法時由戒為依故戒蘊攝 論由正命故至受用財
演曰二釋受財文亦為二先釋後結謂此正命能離邪
求正受財者為由有戒為依止故故說戒攝 論又於

是處至意現行性 演曰二引異名證文分為二先引聖
言後依教釋此初也言是處者是彼正語正業命處
即說此三名增上淨意現行性 論此中依止至意現行
性 演曰後依教釋文中有二先彰所離後釋淨名文
可知也 論問何因緣故至說為慧蘊 演曰次明慧
蘊文分為二先問後答此初也 論答至而得究竟
演曰後答之中具標釋結釋中有三一通真義真俗
諦也二說真義說真俗也三斷餘結斷後惑也此慧
三業如次由於正見等三助之方成故說此三慧蘊中
攝有處說勤通於定慧此唯慧者據助慧勝故偏

說也 論問何因緣至為定蘊 演曰後明定蘊文中
有二先問後答此先問也 論答至為定所依 演曰
後答分二初惣標列後別解釋釋中有二先明自性
後辯所依所依分三標釋及結 論復次正見至能離
結見 演曰二明見差別文分三段一章差別二會違文
三明相攝初中又三一標二列三依標釋此初標舉而
有十一列中有六影餘五種名為乃至 論於四種行至
苦諦正見 演曰三依標釋文分為二初明前八後辯
後三初中有二先釋後結釋中又二先觀病行後觀

生滅初中有四謂病癰等煩惱現行如病盛發隨眠
覆伏故如癰腫貪愛不遂如被箭中患妨出離故如障
隔後觀生滅及結可知論若於集諦至所顯故演曰
後辯後三文可知矣論問若先起至如病等見演曰
二會違文分之為二先徵後釋此初徵云依餘教中先
說無常後觀病行今此異彼而何意耶論答至說彼
為先演曰後釋之中文分三分一標二徵三釋所以此
初也論何以故演曰二徵何意已得道者而須先觀
如病等耶論已得聖道至無我見演曰後釋所以
文分為二論主明自先說病因二雙彰經論說先後

意此初也。修道智見名為上位。斷惑後起名為清淨。
論當知此中至常等見。演曰：二雙彰經論說先後意文。
復分二：先標後釋。此初也。論一是女病至所未得故。
演曰：後釋分二：先彰經說後明論說。此明經說無常先。
因即病等見。是為能依無常等見。是所依法加行等。
位無常等見。未斷惑故名不清淨。以此等者。此前無。
常不淨見等。經依此義。先說無常。論二是如病等至。
善解脫故。演曰：後明論說病等先。因病等見者。是所。
依見。能依見者。即無常等。已斷惑故名為清淨。論依此義。
先說病等。論如是。十一至離繫行見。演曰：三明相攝。十。

一見中第七空見第八無我空門中攝第十一見無相門
攝餘之八見無願門攝 論復次於修至一切煩惱
演曰二彰斷煩惱文中有三標徵及釋此依預流後超
中二果所斷惑說不分三界現不現惑名曰一團起一無
間或九無間斷盡便登勝無學位不經中二故說為起
廣如唯識雜集二論及前應知 論復次彼諸至斷煩

瑜伽師地論義演卷第二十八

第二十九張

數字号

惱故 演曰三明無相行文分為三標徵及釋義我思可知
論復次五神通至皆道諦攝 演曰二辯餘道攝有為
無漏諸功德等皆道諦攝前來第二別明諦訖 論

問一切四諦至是應遍知 演曰三惣分別文分為二先
辯斷知後明現觀初中又二辯遍知二明永斷初中有
三先問次答後惣結之此初也 論答至是應遍知 演
曰次答及結苦二相者三苦等苦名苦自相空無我等
名為共相苦諦觀二故得遍名餘觀非共不名為遍
論問苦諦亦應至應永斷 演曰二明永斷分之為三
問答及結文可知也 論復次於諸至煩惱斷滅演曰後
明現觀文分為二初標後釋釋中有二智現觀二斷現
觀現觀是智滅理體非今言觀者從能證說體實非也
論復次略有至前後差別 演曰二彰起勤因文分為

二初標後釋釋中有五一說正法為說法故所以起
勤二共住者與修行者而共住故見賢思齊故發勤
也三四可知五智別者智目所證前劣後勝所以發勤
希後勝法 論復次略有至永斷作證 演曰三彰斷
作證文分為二一明斷證二明離繫此初有二先標後
列 論當知離繫至相屬離繫 演曰二明離繫亦具
標列列中有二一品別離繫謂斷迷理煩惱所證無
為二相屬離繫斷迷事惑得擇滅也 論問如世尊言
至不令行諂 演曰四彰諂過患文分為二先問後答
此先牒經而起問也 論答至生那落迦 演曰後答

之中文分為二物彰諂過二別明諂行此初有二先
標後列列有十二文易可知 論復次欲界至七種
事 演曰二別明諂行文分三分初標次列後依標
釋此初也 論云何八行至艱辛事 演曰次列分二

瑜伽師地論義演卷第三十八

第三十張

敦字號

先八後七各具徵列 論由初事故至乃至悶絕 演
曰後釋八七然彼八行依七事生先舉其事後彰其行
相對而明尋可知也然八行中除三顯示餘七與事合
而明之故但為七七箇又字即為七也顯示類同故不
別釋 論復次庶語至復清淨 演曰五明庶語失文

分為二先惣後別此初惣顯魚語過失論又有九種
至第九相演曰後別明中文分為二二辯魚語相二
明語起處此初有三謂標徵釋論此中略有至補特
伽羅演曰二明語起處二差別也論復次本地至今
當使擇演曰第二辯戒差別門文分為二標所
釋二正決擇此初也論盟陀南日至說喻事演曰
二正決擇文復分二初惣標章後依標釋此頌標中
門分十三二明攝法二明制立三辯尸羅四明無逸五明
障法六明學處七明觀察八明依處九明攝受十明受
用十一甚深十二明說十三喻事論略有七處至七出

罪演日後依標釋門亦十三一攝戒律儀門文分為四
一標二徵三列四釋此初三也 論云何教勅至無邊
演曰四釋如標亦分為七一明教勅文具徵釋義思
可知 論云何開聽至資生因緣 演曰二明開許聽
猶許也如開下士百一恭身資具等事 論云何制止
至違無罪法 演曰三明制止性罪可知犯遮罪名
違無罪法 論云何犯處至知其相 演曰四明犯處文
分為二先徵後釋釋中分三標列及釋犯因而起名
處三業亦是起罪因緣亦名處也六戒壞者犯輕重戒
七見壞者起邪見也八軌則壞左右顧視失威儀等九

正命壞高聲現威起邪命也十隨護他心隨順他心而犯禁戒如須提那子隨妻母心故犯重也十二護他

瑜伽師地論義演卷第二十八

第三十張

敦字号

損惱如昔比丘見鵝吞珠答云不見為護損他故犯妄語十二護非處疑慮如有比丘入婬肆來答云不去斷他疑故而行妄語不善者下逐難偏釋至九十九當具釋之論云何有犯至當廣說演曰五明有犯文分為二初明犯法後釋犯人初中有四一標一徵三釋四指釋中有五謂五因故所以有犯一因緣者犯罪因也九十九云有四因緣犯所犯罪一無知故二放逸故三

煩惱熾盛故四輕慢故二發起者由等起心有二品故
故所犯罪成上中下九十九云由意樂者謂由下品貪
瞋癡纏所犯衆罪是下品罪中上亦尔三事故者所犯
境事有犯殺者依有情事盜依財等餘皆准知四
方便者所犯之戒前方便也五究竟者所犯事成名
為究竟其所指文如九十九初云應知略有五種罪聚
攝一切罪等下自廣明故不懸敘 論復有九種至有
學犯 演日後釋犯人文分為二先有後無此明九人有
所犯也 論無有無學至犯染汙罪 演日後明無犯文
分為二先標後釋言小及隨小者戒中而有受二別言

顯受諸小輕戒及隨小顯彼輕戒一切學處悉皆止
息 論云何無犯至苦受所逼 演曰六明無犯文具
徵列列中有四一初業者初學比丘未有所識佛言
不犯須提那子即其事也餘三可知 論云何出罪至
命終已 演曰七明出罪文中有三徵列及釋釋中有
五一由自者如犯小罪自悔前非息後起意其罪得
出名為由自二由他者如善心者拔佛前草對一人悔
罪即出故三由自他者隨善惡心有所違犯名染不染
自責及他名由自他四轉依者謂苾芻身犯苾芻戒
轉為尼時其苾芻罪自然而出何以然者以彼尼身

不可制犯苾芻罪故轉為二形及轉失根彼皆捨戒
戒既捨已罪無所犯亦名為出五依捨者命終捨戒
戒體既無無犯名出 論復次略有至不斷清淨淨演
曰二制立學處門又二番釋初中有二先標後列列中
有十一道理淨斷惡進修令出離故二果清淨究竟令
得出世果故三攝受淨攝受財法離染名淨四外清
淨外塵不染五內清淨諸根無過六具分淨具前二也
七愛敬淨愛人敬法八伏治淨伏現染也九斷治淨斷
染種也十相續淨前因後果性成就也 論復有差別

至正法清淨 演曰第二番釋文中有一初標後列列
中有十文易可知 論復次略有至邪禁過失 演曰
三毗尼過失門文分為二先失後德此初文二先標後
列列中有十一壞學過失於所學處而不學故二不
喜過失於所學戒心不忍可三伴相違失於同法
者言行異故四期願過失所持淨戒期世果故餘文
可知 論復有十種至無上尸羅 演曰後明功德文具
標列列中有十一和合者理事和也二無閒者無表剎
那倍增故三無怨者於物不損故無怨對四無損害者
由戒遮止無損害心五堅固者久修習者戒性成就名

為堅固六出離者乘戒因緣出離世故七勝所治者
勝所對治犯戒垢也八不退者謂經四種不退位故九
不共者不共外道同所持也十無上者大乘尸羅非小
有也 論復次於毗至究竟時 演曰四勤學無逸門
文分為四標徵列釋此前三也 論云何於毗至不放逸
演曰四釋如標亦分為十一辯犯時文中有三謂徵釋
結五支如前本地分中第十七說 論云何至第二時等
演曰二辯定時文分三分謂徵釋結釋中有二初由修
習止舉捨三故不放逸後於得定不生愛等故不放

逸初中有三一明蓋生當即除捨二彼由下明蓋過患
三為欲下明將斷蓋修止舉捨止舉捨義如下當知
論云何至第三時等 演曰三辯生時文分三段謂徵
釋結釋中有三標加行二正發起三加行德言依生
者依將結生名為生也 論云何至第四時等 演曰
四乞食時文顯可悉 論云何至第五時等 演曰五辯
作時由不放逸所燒煮物無焦爛失餘准此知 論云
何至第六時等 演曰六明用時文易可知 論云何至
第七時等 演曰七辯求時文分三分徵釋及結釋
中有四一求世言二求真典三除勝負四明自益求真

典中甚深等者具如教也相似深者二空教也經典之言通上分別求此等時心無動亂名不放逸論云何至第八時等 演日八辯思時如文可悉論云何至第九時等 演日九遠離時 論云何至修不放逸演日十通達時具徵釋結文顯可知 論復次有四至答如是等 演日五出家障礙門文分三分標列及釋釋中有四初意樂者意樂處俗不樂出家雖王所逼無具出意名意樂障餘文可知若蘭所得者縱失日蘭 論復次略有至別解脫經 演日六所應學處門文分為四一標二徵三列四釋此初三也 論有犯無

犯至名為輕罪 演曰四釋分四一明有犯二明無犯三
明犯重四辯犯輕解脫戒經略不言也初二如前故不重
辯三犯重中而有六別一立別者如五犯聚佛立初聚
最為其重二事別者性遮二事而不同故性罪成重
餘文可知四犯輕者與重相違可知其相 論復次諸持
至現行故 演曰七五相觀察門文分為五一標二徵三

瑜伽師地論義演卷第二十八

第三十五張

敦字號

列四釋五惣結之此前三也 論此中一向至今不犯
演曰四釋之中文分為五一明雜染二辯不行三明依
處四明過失五非一向此初一向雜染犯中謂性罪者

必皆雜染故令不犯 論若毀犯者至速悔除 演
曰二辯不行有毀犯者令速悔除不令再起名為一向不
行者也 論又佛世尊至遮罪學處 演曰三明依處
隨其根宜依其方處制立遮罪學處別也 論若有
所餘至對治之法 演曰四明過失觀所餘器時方之
宜有犯過起同前第三制立之法而對治也 論若有不
犯至治之法 演曰五非一向由彼不犯是故不須一向
行於對治法也 論如是名為至觀察所犯 演曰五惣
結也 論復次至應修方便 演曰八依處修習門文分
三分一標二徵三釋依止此初也 論云何依止至修方便

演曰二徵修處 論謂依止大師至藥什物 演曰三釋
依止文分為二先明七處後明六處此七分二前三依人
後四依具夫修道者必仗於師及資身具師若無者
善惡誰示資若闕者身何得安所以七處並名依處
論於法至應修方便 演曰後明六處先列後釋此列
六也 論此中法者至非處善巧 演曰後釋分六二明
其法二明學體三教授教誡教授善法教誡惡法四
辯等持五明供養先財後法法供養中言所餘者財
供之餘皆名法也六不放逸五善巧者如本地分二十七
釋 論復次至五為他受 演曰九五種攝受門文分為二

初惣標列後依標釋此初也受衣鉢等將屬已身名
屬已受如承衆命知衆僧事因得財利名承受受他
寄物名委寄受為捨施故而受他物名捨施受本人不
在權為領納名為他受 論由二因緣至得清淨 演

瑜伽師地論義演卷第五

第三五張

數字号

日後依標釋文分為五二承受中非處等者屏處等也
言非量者過量受也不依僧法名非法受餘文可知
論復次至不作淨故 演曰十受用非淨門文分三段標
列及釋此初二也 論性有罪者至名為清淨 演曰
後釋分二先明不淨後明清淨初中有五一性有罪二

不端嚴三不任用四非攝屬五不作淨復分為五一受得淨
謂受三衣及食等物二損壞者如穀菓等三委寄淨四
時法淨如七日藥等曰未滿時皆名為淨五捨分別
淨如受賊施物但作施心不應分別作賊等想名淨
應受後明清淨返上五種應知其相言賄貨者周禮注
云金玉曰貨布帛曰賄

論卷第六十九 論復次應知至羯磨制立 演日十一
甚深制立門文分為二辯五具二明五偽真中有三
標列及釋此初二也 論復次略由至不行故 演日
後釋之中文分為五一章學制立二明犯制立三出

離制立四止息制立五羯磨制立初學制中文分三分謂標列釋此初二也 論言自在者至制立學處演曰後釋分五 一明自在 二不自在 三戒壞失 四鄙業失 五觀二失 論復次略由至最甚深 演曰二明犯制立文分三分 一明犯制 二彰意樂 三思所犯 初中有三謂標徵釋此初標也 論云何為犯 演曰次徵起也 論謂能障礙至不得生 演曰後釋分二 一明障礙 二明無障 初文分二 先略後廣 此略明也 論當知此障至所知障 演曰後廣釋中文分為四 一標 二列 三別解釋 四彰次第 此初二也 論慢緩障者至名所知障 演

曰三別釋中文分為五一明慢障二明罪障三輕慢障
四惡作障五所知障二行相尋文可知 論由慢緩障

瑜伽師地論義演卷第二十八

第五十六張

敦字號

至生次第 演曰四彰次第如文可悉 論與此相違至
所知障 演曰二明無障 論復次意樂至無引發欲
演曰二彰意樂文分為二一明毀壞二明具足初中有四
一標二徵三列四釋 論復次意樂至非治罰故 演曰二
明具足文分為二初釋後證釋中有三謂標徵列列中
有五文顯可知 論復次應由至求所犯 演曰三思所
犯文分為二先標後釋此初也 論謂由別解脫法故

演日後釋十處文即為十一辯略戒經 論由廣分別
毗柰耶故 演日二明廣律教 論五犯聚中由犯自
相故 演日三彰五犯聚即五篇也五中所犯二各別名
為自相 論由六種差別至時差別 演日四明六差別
六差別義如六十八後具明也 論由無羞耻至殘相故
演日五辯無羞耻波羅闍已迦者唐云他勝處善法
益已名之為自惡損於已立以他名由犯四重惡法增
強名他勝處所餘即是十三僧殘乃至眾學此所餘
等雖犯清禁而猶得有僧之餘分名曰僧殘不同初
篇全無僧分名他勝處梵云僧伽婆尸沙此云眾餘

也論由初業者至現所行故 演曰六辯初非初初學比丘久學比丘如次名初及非初業雖各有犯輕重有別故分二類 論由逼惱出離故 演曰七明有逼惱謂由病等所逼惱故雖有違犯而不成罪名為出離 論由障難出離故 演曰八辯由障難謂命難等上樹過人無有所犯亦名出離 論由有犯者至集僧衆故 演曰九白師集衆以事白佛佛欲遮制故集於衆 論由僧衆集至無惱害故 演曰十制立開許初雖惣制後隨根宜亦開許也 論復次略由至悔出離故 演曰三出離制立又分三分一標二列三各別釋此初二也

論無染出離至無染出離

演曰三別釋中文分為二

一明五出離二彰小隨意初中有五一明無染二明逼惱

三明障難四明無計五彰說悔初無染中文復分三

牀釋及結如善心中採花供佛以善勝故損生之罪而

得滅滅亦名出離

論逼惱出離至逼惱出離

演

曰二明逼惱如被陵逼不成媼罪

論障難出離至障

難出離

演曰三明障難具牀釋結謂遇命難馳走

失儀及上樹等皆無有過

論無計出離至無計出離

演曰四明無計曠野等中遇命難等無計遣之揮刀

及杖亦無有犯 論說悔出離至法悔除 演曰五彰說
悔除初篇外於餘犯中說悔也 論言小隨小至除性
罪 演曰二彰小隨意謂於遮戒犯小罪中如次根本
及前方便名小隨小 論復次略由至止息學處 演曰
四止息制立文分三分謂標列釋釋中有五一明清淨
二彰防壞三彰引接四彰教盛五遮難活由此五義於
小學處權開不學名為止息 論復次略由至白四羯
磨 演曰五羯磨制立文分為二一明十羯磨二辯五
伽羅初中有三標徵及列列中有十一受具羯磨羯
磨梵語此云辦事受具戒時所施設者名受具羯

磨二者結界結大界等三者長養八戒羯磨名為長
養長初善心養後德故有云梵音布薩此云長養養
戒德故四同意者為所作事羯磨和僧僧衆意同名
為同意五趣向者諸有所往作法羯磨皆名趣向如尼
欲向僧邊受具及請自恣先於尼衆作法羯磨方趣
僧處名為趣向六恣舉者謂於自恣及舉罪時作羯
磨也七治罰者治罰惡人集衆作也八攝受者攝受弟
子初剃髮時集衆聽許亦為羯磨九十可知論云可

五種至補特伽羅 演曰二辯五伽羅文分為三謂徵

列釋此初二也 論云何良慧至如書畫者 演曰後釋
分五一明良慧二明鸚鵡三彰炬燭四釋電光五明書
畫初良慧者於此等者雖於教中未有文作然依
道理義合須然故依理施羯磨成立以成立故名爲
良慧餘思可知 論復有五種至非法羯磨 演曰二
明五爲文分三分謂標列釋釋中有五一爲制學處二
爲制所犯三爲制出離四爲制止息五爲制羯磨二
事別如文可知 論復次除十至非清淨說 演曰十二
非淨宣說門文分三分一標二徵三釋非淨此初也
論云何十事 演曰二徵數也 論一於佛寶至不清

淨事 演曰三釋分二先明淨說後不淨說初中有
十一欲損等除斯十種清淨說外餘名不淨 論若因
嫉妬至不清淨說 演曰後不淨說 論復次毗奈至
辟喻事 演曰十三辟喻顯法門文分為二初惣標
列後別解釋此初也 論本生事者至菩薩行事
演曰後別釋中文分為五一辯本生二明本事三彰
影像四明假合五彰辟喻初本生者如佛自說前所
經事名曰本生 論本事事者至相應事 演曰二明
本事謂說前世三乘弟子於教行中相應事也 論
影像事者至應了知 演曰三彰影像文中有二先

五後七影依質起而似質者顯相似義以影像等顯
所似法而有五種謂乳等五種喻於聲聞緣覺小
大菩薩及如來也後七人者如涅槃經三十六說恒河
七人也 論假合事者至合而說 演曰四明假合以彼
說此名為假合如經頌云第六王為最第六意識實非
是王由多自在故名王也餘准此知良醫喻者如經說

瑜伽師地論義演卷第二十八

第三十卷

敦字号

佛名大醫王佛實非醫以能了知根法藥病故名為
醫餘可知矣 論辟喻事者至如是等類 演曰五彰
辟喻如說火宅事理廣長名廣等喻餘思可知 論

復次由五至差別故 演曰第三所知法異門文分三分一慧知心境分二識所了別分三獲得勝利分初中有四標二徵三列四釋此初三也 論云何由事至所知事 演曰四釋文中分為五一明體事二彰品業三辯智依四明智別五辯攝餘初中文二謂徵及釋所知體事不出有為及無為也 論云何由品至所知作業 演曰二彰品業文分為四一標二徵三釋四結此初標中徵及答也 論何等為五至名所知 演曰二徵三釋釋中有二一辯所知二明作業初中有五如文可知論若世俗智至而起衆行 演曰二明作業謂諸聖

智而能有彼五所知用名五作業一明俗智知初所知
文別有二一了世道理二了世言行了世理中不善有罪
善無罪法如次遠離應脩習也了世言中了世言說詮
真不迫但隨世轉名遊世間因世名言而有所作名
隨因緣起諸衆行論法智類智至法斷演曰二明
真智知勝義境文分為二初明六智知其真境後例見
修斷所斷智六智之中初二為惣後四為別惣別合論
故為六也論盡智至離增上慢演曰三彰二智知無
學果無學果體名為究竟於中文二先釋所知後彰知
意論他心智至界及隨眠演曰四明心智能了他心界

者性也隨眠種子謂他心智能知衆生染淨心性意
樂不同復能了知心性種子發生差別以上勝智心性
現種皆能知故 論十力智至及安樂事 演曰五明
力智能知種別具本地分問所知之境豈只五耶答五

瑜伽師地論義演卷第二十八

第四張

教字號

攝之盡若尔何有非安立耶答勝義智中已攝之故
若尔初二攝所知盡何假後三再言重設答對能知智
用有差別故說之也 論如是名為至五種業 演曰四
惣結也 論云何由智至依處差別 演曰三辯智依
文分為二先徵後釋釋中有四標列釋結釋中有

二初明自行後明他行與前五業十智相攝如文可知
論云何由智至唯世間 演曰四明智別顯前十智及
十力智是世出世漏無漏別文分為五一明俗智俗
智有二一有漏三性是世間故名為俗智二在無學身
善無記性無漏所起雖名無漏體是漏故亦名俗智
及所餘者及餘有學異生所起皆俗智也 論當知所
餘至亦喻無漏 演曰二明真智心境無漏名出世間
體即法類六種智也 論盡無生智至相續中生 演
曰三盡無生體唯無漏通世出世若不分別緣理而起名
為出世若起分別緣事生故名曰世間由未曾得在無

學身故名出世及無漏故 論他心智至是無漏 演
曰四他心智文分為二初正分別後明無漏此初也無
學所得雖通無漏以緣事故唯是世間非證理心不
名出世 論問何因緣故至名無漏 演曰後明無漏文
分為二先問後答此初也 論答至皆成無漏 演曰
後答文二先釋後結是故已下結由三義故成無漏
論十力智至而現行故 演曰五十力智唯是世間何
以然者謂由此智皆帶名言戲論生故 論云何由
攝至諸智所攝 演曰五辯攝餘文分三分一明十智
攝通空門二重分別通淨願智三明通智生得時異

初中有二先徵後釋釋中又二初標後攝此初標舉
神通等智皆是如前十智所攝 論謂五神通至如
前應知 演曰後攝之中文分三分初攝六通次攝
空門後攝無礙初中有瑜伽義演云二攝前五二攝第六謂前五
通皆是前說十智之中初俗智攝其中凡夫及有學
者五通皆漏無學得者即唯無漏第六漏盡唯是無
學故是盡智無生智攝 論空解脫門至無生智
演曰次攝空門文分三分初辯空門次明無願後彰
無相初空門中但攝八智不攝俗及他心者此二緣
有故不攝空摠空無我遍緣四諦故四諦智得攝空

門次無願中但攝六智非滅等者滅道無漏非無願也俗智他心是意所求亦非無願故但攝六而無增也後無相中但攝五智不攝道者道雖無漏而相非無故無相門唯五智攝 論無礙解智至盡當知 演曰後攝無礙不共等智以緣俗故故皆俗攝 論諸解脫門至地已說 演曰二重分別通許願智文分爲二先指後釋此初也三解脫門如本地分二十六明四無礙解如菩薩地四十五辯十力無量不共佛法如四十九及五十說 論復次云何至智作證 演曰後釋之中文分爲二一別釋神通無諍願智二

摠明無諍願通定別初中有三一辯神通二明無諍
三明願智初辯神通文復有二一別辯六通二摠明
具用初中分六一明神境二明天耳三辯他心四明
宿住五明死生六明漏盡初神境中文分三分先徵
次釋後摠結之此初牒經而問三事一所變境二能
變智三作證名 論謂從一種至名為神境 演曰
次釋如徵亦分三段初明神境次彰神智後釋證名
初神境中文復有二一明境體二辯名因所變境中
而有二種一變二化變謂改易變一為多小為大等
改易舊質目之為變無而忽有稱之為化言至梵世

自在轉等通其變化二由神境下顯得名因所變化
境而非是神嘉義王由神現之故名神境四王神體謂即者慧者也教正
理雖說通定及慧此及有宗即唯智也以智用勝餘
莫能則故謂為神 論若智至名神境智 演曰次
彰神智文分為二一明智體二釋神名神通之體謂
即智也智能變化少多自在名具威德因定所發名
為修果由此智下辯得名因智非其境為能領納及
能顯示故得境名依主釋也 論即此智種至智作
證 演曰後釋證名衆生無始數得神通皆有種子
由性事障不能起用今明行者由離二障修習勢力

今舊種子增長相續亦時緣具得起神通故言此種
由生緣等即親種子疎緣助故而能起現名爲作證
作猶起也種能生起證得通智名作證也 論如是
一切至作證通 演曰後摠結也如是一切境智及
證摠攝名一神境智通 論云何天耳至如前說
演曰二明天耳文分三分謂徵釋結釋中有三二明
修果謂天耳根因定起也二天耳智與天耳識俱時
智也三智作證耳智種也 論復次由此至今當說
演曰三辯他心文分爲二初摠標指後別釋之此指
問詞同前不舉 論謂諸他心至如前說 演曰後

別釋中文分爲二先釋後結釋中有三一明差別彰
汗緣境二明修果辯能緣智三明作證因修種生結
文可悉 論若於過去至如前說 演曰四明宿住
文分三段若過去下明所緣境若智具下辯能緣智
餘如前說指作證等智隨念起名隨念智 論若諸
有情至如前說 演曰五明死生文亦有三若有情
下明汗緣境若修果下辯能緣智餘如前說指作證
等問緣死生通是何識智答眼意二識相應智也意
相應智也意緣死生理極成就意識必由天眼為依故

名天眼非唯眼識名天眼也未自在位眼識不緣未來境故若眼識慧如何得緣未來境耶論若一切結至如前應知演曰六明漏盡准問有三云何漏盡云何通智云何作證而今答云亦有三也一切結盡答初問盡無生智答第二問餘一切下答第三問盡無生智雖通真俗今取了世故名通智論復次諸具至神通者演曰二惣明具用文分三段一辯具通二彰勝劣三明利用此初辯中義別分四一示現者神境通也示現神通起化物故二安住者天耳他心二種通也雖聞語聲及知心已未行施化而自審思名為安住或安有

情各住自行名為安住三他利者宿住死生謂知所
化過未善惡今起斷修名利他也四問記者漏盡通
也由漏盡故故善問記 論復次前三至三世愚故 演
曰三彰勝劣前三現在通而非明後三種通亦兼明攝
何以然者以宿住等如次能治過未現在三世愚闇故
得明也 論又初神通至能善教授 演曰三彰利用文
中有二初辯前三後辯後三後三之中離常等者由
得宿住示生過去因果相生常見因遣由死生智示生
未來生處差別便除斷見謂由漏盡於現在中宣說
中道故通雖同用各差別 論復次觀察至住无諍

定演曰二明無諍文分三段一辯住定因二明無諍行
三結無諍名初中有二先標後釋釋中有三聞昔勝
利而修無諍二悔昔諍心修無諍行三令受愛果修
無諍定此等皆是利根無學方行此行揀鈍不然名
俱解脫須菩提等即其人也論由此因緣至如是勸
導演曰二明無諍行文分為二此因緣下辯定釋

瑜伽師地論義演卷第二十八

第廿四張

敦字号

名二如是為下辯無諍行無諍行中文復有二明見
不見二明語不語論彼由多分至無諍者演曰三結
無諍名論云何願智演曰三明願智文分為二先問

後答此初也 論謂俱今解脫至依止故 演曰後答
文二先辯二乘後明佛願初中有三辯起願人二彰
所依定三辯修願相此初二也 論若聲聞乘至一切了
知 演曰三辯修願相文有其二二顯修相二既入下明
願成就并顯其名 論若諸如來至無障礙 演曰
後明佛願 論復次諸佛至不能棄捨 演曰二惣明
無諍願通定別文分為二二明無諍入有差別二明無
諍願通定異此初有三標徵及釋此無諍定小乘數入
大乘不數何以然者以利他時因起諍心而得脫故故
不數入 論復次如熏至皆能引發 演曰二明無諍願

通定異文分為二者正明依定多少二者因明入觀地
別此初也謂無諍等行微細故唯依第四神通行處故
通四定論復次唯依至聖諦現觀演曰二明入觀文
分為二初辯依心後辯生身此初分三標徵及釋謂依
五地慧心勝故能入現觀無色不然故不依入論非生
上地至少分亦無演曰後辯生身依生欲界狀心勝故
能入現觀上界不然故不依入故顯揚頌云極感非惡
趣極忻非上二處欲界人天佛出世現觀論復次當
說至生起差別演曰三明明智生得時異文分為二
一辯智生二明明通得初中有二先標後釋此初標舉

世出世智三際生別 論謂世俗智至應知 演曰後
釋文二明世俗二明出世初中有二辯二乘二明菩
薩二乘有三明前際二明中際三彰後際前際分
二先釋後結釋中又二先辯所治後辯能治此辯所

瑜伽師地論義演卷第二十八 第甲五張

敦字号

治染心也 論為欲生起至世俗智攝 演曰後辯能
治文分三段一起善法攝 論以此正見至世俗智攝
演曰二具正資糧聞思二心於念住等勤修行者亦
俗智攝 論以此為依至世俗智攝 演曰三修順決
擇文分為三初明燋頂次明忍位後世第一此初二位

名方便者而是見道遠方便也 論以此為依至世俗
智攝 演曰次明忍位漸近見道近方便也 論以此
為依至世俗智攝 演曰後世第一雖一剎那引生見
道亦是有漏世俗智攝 論如是名為至生起次第
演曰後惣結也 論又即以彼至諸世俗智 演曰二明
中際文別有二先釋後結釋中又二二正彰智體二明
地有無初中復二明智體用二彰修智道初文分二
先明體用後釋異名初文又二一明種體二明起用初
智體中文復分三謂標釋結得清淨者謂前二位
世俗智種由得見道斷染法故名得清淨彼資重熏故

亦号為修對法十三亦具明也 論出見道已至非謂
永斷 演曰二明起用文別有六一證見斷下自了證得
擇非擇滅二又能了下自知得果三又能了下自知所
斷惑之差別四又隨欲下能善記別五又能於下能建
諦觀六復於此下能伏煩惱伏煩惱中文復分二一明
能伏二明伏法此所得智唯是有漏故唯伏惑若無
漏者亦能斷彼迷事隨眠此彰俗智 論此世俗智
至為世間 演曰二釋異名雖體有漏由從無漏智後
引生不同異生故不一向名世間也 論又修此智至勝進
道 演曰二彰修智道文分為二初惣標列後別解釋

此初也 論於一切地至第三道 演曰後別解中文分
為四一明方便二明無閒三明解脫四明勝進此前三

瑜伽師地論義演卷第二十八

第廿八張

敦字号

也 論次後於斷是第四道

演曰四明勝進文分為

二先惣略釋後別分別此初也後後品道而勝前前名

為勝進 論此勝進道至名勝進

演曰後別分別文

復分二先標後釋釋中有二一方便勝進二知足勝進

論除未至定至所攝受故 演曰二明地有無文分三

段一明上七地近分唯俗二辯八根本及初未至唯真

非俗三明上有頂唯俗非真根本地中雖通真俗聖所

修者即唯真故今明俗智故以揀之 論始從學地至
中際俗智 演曰後惣結也 論於阿羅漢至俗智攝
演曰三明後際文分為二先釋後結義思可知 論復
次諸菩薩至世俗智 演曰二明菩薩三際俗智文分
為二先惣標舉後各別釋此初也到究竟者第十地中
因滿究竟非彰佛位說為究竟 論初際者至究竟
地 演曰後別釋中文分為二初彰三際後明三行此
明三際俗智差別約位明體故名地等 論又諸菩薩
至則不如是 演曰後明三行對彰勝劣 論復次如是
至我當說 演曰二明出世文分三段初結前生後次

依生正釋後惣結之此初也 論謂見道修道無學道
演曰次依生正釋文分爲二初列後辯此初標列出世
三道 論若法智品至見所斷惑 演曰後辯分三先
明見道次明修道後無學道初中有二先明見體後
別分別此初先明八法八類以爲見體做法擬宜說
之爲斷 論問一切類智至無色界耶 演曰後別分別
文分三段初彰了境次明相攝後明增長初具問答
此先問也 論答至不能了別 演曰後答可知 論所
餘諸智至三品所攝 演曰次明相攝止觀俱智隨彼
法類二智所攝故無增減 論又於見道至勝進道

瑜伽師地論義演卷第三

第四十七張

數字号

演日後明增長餘智因者後智種也十六心中初智生時餘十五智親生種別皆得增長以增長故說為得修因得修故而漸生長故名勝進 論於修道中至出世智 演曰次明修道文分為二惣明修習世出世道二別釋修習世道所以此修二道如文可知 論為於諸諦至而離諸欲 演曰二別釋修習世道所以文分為二先釋後結釋中有四箇故字是釋世道修習所以論無學地中至皆自在轉 演曰後無學道文中至有二斷惑清淨二為德依持 論如是名為至次

第生起 演日後惣結也 論復次諸神境智至或生
得 演曰二明通得文分為二明神境二辯餘通初中
有二先標後釋此初也 論方便得者至所有修果
演日後釋分二二明方便二明生得此方便也如有生
此欲界異生及有學等修得通者名方便得揀生上界
不名方便屬生得故 論生得者至起屍等 演曰二
明生得類別分六一色界天二欲界天三欲界人四有
傍生五分鬼趣六呪術得呪術得者依生所起亦名
生得言舅馱多者此云持養或云我能即頂生王也
頂生王父於祖膊生名膊生王膊生王頂時有胞出後時

自裂中有一童儼如化出膊生大王謂諸夫人誰能持養
皆言我能時王因付第一夫人因立其名名為持養
言頂生者而從生處以立其名非正翻也 論即由如
是至當知亦尔 演曰二辯餘通除神境外餘天眼耳
宿住他心修得生得一同神境名為亦尔 論復次云
何至生差別故 演曰第二識所了別分文分為二
先徵後釋釋中有四一標二徵三列四釋此前三也
論云何依緣至以為境界 演曰四釋分五一辯依緣二
明欣感三明勝劣四明心法五障治生初中有二先徵

後釋論云何欣感至非二諸法 演曰二明欣感
論云何勝劣至自所行法 演曰三明勝劣 論云何
心法至一切境法 演曰四明心法先徵後辯辯中
有二先標後釋釋中又二先辯遍心後善心所善心所
中文復有二初明增減後彰假實 論云何障治至
自所行法 演曰五障治生文分二分一徵二釋釋中
又三二明障別二明治別三明生別此初二中文復分
三二辯所治二辯能治三明治識披之可知 論復次
生差別者至自地二心 演曰三明生別文分為四一
標二列三釋四結釋中有五一明欲生二明色生三無

色生四徃上生五還下生此前三也 論若先未起至
無學心生 演曰四徃上生文分為二明修定二明生
上初中有二辯善心二明無記初中又二先釋後例
釋中有二一明次第二明超越此初復二一起上心二
起學心披可知也 論若先已起至如意能起 演曰
二明超越初久修別故分二種 論如是所餘至當知
亦尔 演曰後例初禪起餘上心次第超越一同於初
名為亦尔 論又從欲界至非自性故 演曰二明無
記無記無閒能生上地思准可知 論又欲界沒至
生起差別 演曰二明生上了生差別 論又諸異生

至無閒生 演曰五辯還下生文分為二先起下心後
明生下此初也 論又從上地至生起差別 演曰二明
生下 論如是障治至諸法差別 演曰四惣結也

瑜伽師地論義演卷第二十八